



Broj: 10/E-11-7136/24-6
Sarajevo, ~~24.12.2024~~ godine

Na osnovu člana 69. stav (2) tačka d) i člana 70. stav (4) Zakona o javnim nabavkama BiH ("Službeni glasnik BiH", broj 39/14, 59/22 i 50/24) (u daljem tekstu: Zakon), člana 69. Statuta Općine Centar Sarajevo – Prečišćeni tekst ("Službene novine Kantona Sarajevo", broj 23/04), na prijedlog Komisije za nabavku roba, usluga i radova III, imenovana rješenjem Općinskog načelnika broj: 10-45-238/24 od 25.03.2024. godine (u daljem tekstu: Komisija III), u postupku javne nabavke usluga održavanja vozila, za LOT 6 – održavanje vozila marke Dacia (Zapisnik o pregledu i ocjeni ponuda broj: 10/E-11-7136/24-6 od 18.12.2024. godine), Općinski načelnik donosi

O D L U K U

o poništenju postupka javne nabavke

- I. Poništava se postupak javne nabavke usluga održavanja vozila za LOT 6 – održavanje vozila marke Dacia, putem otvorenog postupka, Obavještenje o nabavci 848-1-2-138-3-224/24 od 20.11.2024. godine, iz razloga što primljena ponuda nije prihvatljiva.
- II. Ova Odluka se dostavlja ponuđaču koji je učestvovao u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- III. Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o Ź e n j e

Postupak javne nabavke usluga održavanja vozila, pokrenut je Odlukom Općinskog načelnika o pokretanju postupka javne nabavke putem otvorenog postupka, broj: 10/E-11-7136/24 od 04.11.2024. godine.

Predmet nabavke je podijeljen na LOT-ove, i to:

- LOT 1 - održavanje vozila marke Škoda i VW
- LOT 2 - održavanje vozila marke Toyota
- LOT 3 - održavanje vozila marke Suzuki
- LOT 4 - održavanje vozila posebne namjene marke Scania, sa vatrogasnom i cisterna nadogradnjom
- LOT 5 - održavanje vozila posebne namjene marke Iveco Daily, sa vatrogasnom i cisterna nadogradnjom
- LOT 6 – održavanje vozila marke Dacia
- LOT 7 – održavanje priključnog vozila (mobilna kuhinja)
- LOT 8 - održavanje električnih mopeda marke Torini Volt

Procijenjena vrijednost nabavke za LOT 6 – održavanje vozila marke Dacia bez uračunatog PDV-a iznosi 7.560,00 KM.

Obavještenje o nabavci 848-1-2-138-3-224/24 objavljeno je dana 20.11.2024. godine na Portal javnih nabavki (www.ejn.gov.ba).

U krajnjem roku za predaju ponuda koji određen tenderskom dokumentacijom (13.12.2024. godine do 12:00 sati), na adresu Ugovornog organa primljena je 1 (jedna) ponuda dostavljena od ponuđača „GUMA M“ d.o.o. Mostar, što je evidentirano u Zapisniku o otvaranju ponuda, broj: 10/E-11-7136/24-6 od 13.12.2024. godine. Nije bilo neblagovremeno pristiglih ponuda.

U skladu sa članom 63. Zakona o javnim nabavkama (u daljem tekstu: Zakon), Komisija III je u zakazano vrijeme pristupila javnom otvaranju pristigle ponude i nakon što je utvrđena blagovremenost i urednost dostave, pročitana je cijena ponude, kako sljedi:

R/b	Ponuđač	Ukupna cijena bez PDV-a (zbir jediničnih cijena)	Ukupna cijena sa PDV-om (zbir jediničnih cijena)
1.	"GUMA M" d.o.o. Mostar	188,02	219,98

Nakon izvršenog javnog otvaranja ponude, na zatvorenom sastanku Komisija III je pristupila detaljnom pregledu i analizi dokumentacije priložene uz ponudu, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponude, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Pregledom i detaljnom analizom pristigle ponude, Komisija III je ustanovila da ponuda ponuđača "GUMA M" d.o.o. Mostar ne ispunjava formalno-pravne zahtjeve navedene u tenderskoj dokumentaciji za predmetnu nabavku.

Ponuđač "GUMA M" d.o.o. Mostar nije u ponudi dostavio zahtijevanu izjavu iz tačke 7.3.2. pod b) tenderske dokumentacije, na osnovu čega je Komisija III jednoglasno ocijenila da je ponuda neprihvatljiva u smislu člana 2. stav (1) tačka I) alineja 2) Zakona o javnim nabavkama („Službeni glasnik BiH“, broj 29/14, 59/22 i 50/24) i istu odbacila, što je zapisnički konstatovano.

Kao obrazloženje ovakve ocjene Komisija III je u Zapisniku o pregledu i ocijeni ponuda broj: 10/E-11-7136/24-6 od 18.12.2024. godine navela sljedeće:

Poglavljem 7. USLOVI ZA KVALIFIKACIJU PONUĐAČA, tačka 7.3. TEHNIČKA I PROFESIONALNA SPOSOBNOST, podtačka **7.3.1. pod b)** tenderske dokumentacije, zahtijevano je od ponuđača da u svrhu dokazivanja ispunjenja uslova tehničke i profesionalne sposobnosti iz tačke 8.3.1. pod b) za LOT 4, 5, 7 i 8, **dostave izjavu na memorandumu ponuđača o prihvatanju postupka kontrole izvršenih usluga koje su predmet ovih LOT-ova, koju može provesti ovaj ugovorni organ ili u njegovo ime nadležni organ zemlje sjedišta privrednog subjekta.**

Izjava mora biti potpisana od strane ovlaštenog lica ponuđača i ovjerena pečatom ponuđača.

Ponuđač „GUMA M“ d.o.o. Mostar u ponudi nije dostavio traženu izjavu, čime je propustio dokazati profesionalnu i tehničku sposobnost prema zahtjevu Ugovornog organa iz tenderske dokumentacije.

Članom 2. stav (1) tačka I) alineja 2) Zakona o javnim nabavkama propisano je da je neprihvatljiva ponuda čija cijena premašuje planirana odnosno osigurana novčana sredstva ugovornog organa za nabavku ili ponuda ponuđača koji ne ispunjava kriterijume za kvalifikaciju privrednog subjekta.

Objavom tenderske dokumentacije na Portal javnih nabavki omogućeno je svakom potencijalnom ponuđaču da pregleda i analizira svaki uslov, naročito u pogledu kvalifikacionih uslova (*Lična sposobnost, Sposobnost obavljanja profesionalne djelatnosti i Tehnička i profesionalna sposobnost*) i odgovori na zahtjeve Ugovornog organa u ovom postupku javne nabavke.

Tačkom 8.1.1. tenderske dokumentacije propisano da su ponuđači obavezni da pripreme ponude u skladu sa uslovima koji su utvrđeni u ovoj tenderskoj dokumentaciji. Ponude koje nisu u skladu sa tenderskom dokumentacijom će biti odbačene kao neprihvatljive, u skladu sa članom 68. Zakona o javnim nabavkama.

Članom 57. stav (1) Zakona o javnim nabavkama propisano je da su u postupku javne nabavke kandidat/ponuđač pridržava zahtjeva i uslova iz tenderske dokumentacije.

Slijedom svega navedenog Komisija III je ponudu ponuđača "GUMA M" d.o.o. Mostar jednoglasno ocijenila neprihvatljivom u smislu člana 2. stav (1) tačka I) alineja 2), te istu

odbacila u skladu sa članom 68. stav (4) tačka i) Zakona o javnim nabavkama jer ne ispunjava zahtjeve iz tenderske dokumentacije.

Članom 68. stav (4) tačka i) Zakona o javnim nabavkama zakonodavac je propisao da je ugovorni organ dužan odbaciti zahtjev za učešće ili ponudu u slučaju kada ponuda nije potpuna i ne ispunjava zahtjeve iz tenderske dokumentacije, a članom 69. stav (2) tačka d) istog Zakona je propisno da je ugovorni organ obavezan da poništi postupak javne nabavke u slučaju da nijedna od primljenih ponuda nije prihvatljiva.

U skladu sa naprijed utvrđenim Komisija III je putem javnog glasanja jednoglasno donijela odluku da Općinskom načelniku dostavi prijedlog da u skladu sa članom 69. stav (2) tačka d) Zakona o javnim nabavkama donese odluku o poništenju postupka javne nabavke, iz razloga što nijedna od primljenih ponuda nije prihvatljiva.

Općinski načelnik je saglasan sa prijedlogom Komisije III koja je u postupku pregleda i ocjene ponude postupala u skladu sa Zakonom o javnim nabavkama, podzakonskim propisima i tenderskom dokumentacijom za predmetu nabavku.

Iz navedenih razloga, primjenom člana 69. stav (2) tačka d) Zakona o javnim nabavkama („Službeni glasnik BiH“, broj 39/14, 59/22 i 50/24), Općinski načelnik je donio odluku kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (1) tačka d) Zakona o javnim nabavkama („Službeni glasnik BiH“, broj 39/14, 59/22 i 50/24). Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda
broj: 10/E-11-7136/24-6 od 18.12.2024. godine



Dostaviti:

1. Ponuđaču: „GUMA M“ d.o.o. Mostar
ulica Bišće polje bb, 88000 Mostar
2. Službi za zajedničke i tehničke poslove
3. Kabinetu općinskog načelnika – Odsjek za javne nabavke
4. Službi za finansije
5. U spis